


DE VITA
JOANNIS CHRYSOSTOMI
TROMBELLII
COMMENTARIUS.



Nemo me lacrumis decoret, neque funera fletu
Faxit, quom volito vivu' per ora virum. *Ennius de se.*

Ergo recessit a nobis, sed non totus recessit; reliquit enim nobis liberos suos, subjectos scilicet libros, in quibus eum debemus agnoscere, & in quibus eum & cernimus, & tenemus. *S. Ambr. in Orat. de ob. Theodosii.*



STUDIOSIS JUVENIBUS CANONICIS RHENANIS
CONGREGATIONIS SS. SALVATORIS.

V. G. R. EX EADEM CONGREGATIONE S. D.

*E*T si mihi non tanta vobiscum, Studiosi Juvenes necessitudo conjunctioque foret, quanta ut sit & communis nostra parens facit, & benevolentia, qua, ut par est, maxima mihi cum vobis ipsis intercedit: tamen nullos potiores quam vos haberem, quibus Jo. Chrysostomi Trombellii Vitam praeipue proponerem, dicaremque. Excellentium Virorum exempla non video, quibus aptius, quam juvenibus exhiberi possint; iis namque quasi quibusdam igniculis ad virtutem incendi solent, & ab eximia testataque majorum laude moneri, ne ab ea degenerent. Habetis propositum excellentem Virum. Habetis eum Virum, qui Juvenes quibuscumque rebus potuit, adjuvit semper, erexit, amplificavit, ut ad omnem honestatem, decus, doctrinamque formarentur. Illum jam oculis inter legendum cernite. Tanta sapientia

mi-

mirabiles de se amores in vobis, ut spero, excitabit. Quamobrem fingite, non me (neque enim admonitore me atque hortatore indigetis); sed Trombellium ipsum sic unumquemque vestrum alloquentem ()*

Disce, puer, virtutem ex me verumque laborem: Memineris sustinere te expectationem, cui respondere necessarium est: eandem vero vincere, pulcherrimum. Nunc carpe diem; cum etiam aetatem ingressus sis, qua non alia continget felicior ad imbibenda literarum ac pietatis semina. Nihil, mihi crede, virtute solidius inter has caducas fluxasque res, nihil delectabilius invenies. Hac vobis ab illo, quae toties, dum viveret, juvenibus instillabat, dicta esse putate, dum vobis hac tamquam mnemosynon, exempla sua transmittit. Interea valete; & pro vestra humanitate benivolentiaque, quidquid scripsi quodque vobis offero, aequi bonique facite.

Bononia, ex Canonica S. Salvatoris 17. Kal. Febr. MDCCCLXXVIII.

(*) Virg. Aeneid. lib. XII.

I. **J**oannis Chrysostomi Trombellii, cujus vitam breviter explicare aggredior, nescio utrum pietas, an doctrina majore præconio digna sit. Certe utriusque conjunctio in eo sic emicuit, ut optimus, & doctissimus quisque hac nostra ætate carissimum virum præcipua quadam admiratione prosequutus sit (a). Sed ab initio ordiendum est. Is itaque anno a Christi ortu MDCXCVII. III. Non. Mart. natus est Hyacintho Patre, Lucia Albertinia Matre, quæ Cæsarem Albertinium, & Marcellum Malpighium, duo clara nomina, necessitudine attingebat. Patris familia inter primarias Sanctæ Agathæ peranti-

a 3 qui

(a) Hanc de Trombellio laudem testatissimam exponit cl. Lagomarsinius in notis ad Pog. epistolas tom. III. pag. 399.

qui oppidi ditionis Bononiensis numerabatur. Attamen forte alio cum Joannis Chrysostomi parentes amplificandæ rei familiaris gratias se contulissent, is in Ecclesia Galeatiæ Nonantulanæ diœcesis, quam prope erat natus, baptismo lustratus fuit, & Raymundus Anselmus appellatus; quod nomen Canonicus Regularis factus in Jo. Chrysostomi commutavit. Patre cito caruit: inde vix quinquennis Bononiam a patruo accersitus, honeste ab eo liberaliterque est educatus. Aderat ei etiam Sebastianus Antonius frater natu major, qui tum præclare medicinam Bononiæ agebat; quique cum Academiam Scientiarum Instituti, cujus exstitit Socius, doctrina auxisset sua, non vulgari commendatione meruit a Franc. Zanottio celebrari, qui Academiæ ejusdem erat ab actis (a).

II. Excesserat ex ephebis, cum secum
re-

(a) Vid. tom. Actor. II. par. I. pag. 187., ubi præmaturi ejusdem Sebastiani obiit mentio injicitur. Hujus casus acerbiter Jo. Chrysostomus pro benevolentia, quæ summa ei cum suavissimo fratre intercedebar, vehementer doluit: putavitque doloris levamen aliquod in ejus vita conscribenda posse se repetire. Commentariolum apud me aservo.

reputare cœpit, sæculi via quam salebris aspera & ruinarum plena esset : perfugiumque opportunum sibi meditatus, inter Canonicos nostros Sanctissimi Salvatoris adscribi petiit, communique suffragio impetravit. Anno igitur MDCCXIII. IV. Id. Mart. inter Tirones Bononiæ receptus est ; insequenti vero anno solemne votum suscepit, quod Servatori Deo ad exitum usque vitæ fidelissime persolveret. Jam in his-ipsis initæ a se vitæ primordiis arduum non fuit judicare, quis veteranus esset futurus tum ob perspicua incitamenta quædam naturæ, quibus ad studia ferebatur, tum ob virtutum semina optimarum, quæ tantum in eo excreverunt, quantum vel ipsi libri in vulgus editi demonstrant ac propemodum clamant.

III. Politioribus literis addiscendis non mediocrem operam apud Jesuitas in sæculo cum dedisset, Bononiæ apud nos singulas Philosophiæ partes lustravit, ingressusque est Theologiam. Hanc avidissime arripuit, in primisque Romæ in Canonica nostra S. Petri ad Vincula, ubi Joannem Alber-



tum Grandium audivit, virum sanctitate doctrinaque clarum, qui post Ordinis præfecturas prudentissime gestas, a Benedicto XIV. Fossæ Clodiæ Episcopus anno MDCCCLII. est renunciatus (a).

IV. Studiorum curriculo confecto, demandatum est illi docendi munus. Primum Philosophiam professus est in Candianæ Canonica, quæ millia passuum fere duodecim Patavio distans, & studiorum ratione & amplitudine inter ceteras clarebat: deinde Bononiam revocatus, Philosophicum ibi cursum complevit; tum Theologicas disciplinas, quarum amore incendebatur, duodecim annos sic auditoribus explicavit suis, ut concitatum de se expectationem mirifice confirmarit. Jam vero ad præstantiam in his, aliisque studiis comparandam plurima habuit adjumenta. Nam non solum *ingenii celeritate supra quam dici potest, valebat, nihil non memoria tenens, promptus ad omnia*, ut de eo in quarto Actorum volumi-

ne

(a) Hujus vitam & mores, signaque, quibus ejus sanctitas fulsit, sermone vetere etrusco (sic enim amabat scribere) Ernestus Cusanius Patavinus Canonicus noster persequutus est, ediditque Patavii, typis Piottianis, anno MDCCCLXII.

ne cl. Zanottius testatum reliquit, sed impiger præterea atque industrius erat, & voluptatum, quæ mentem a studiis avocant, inimicus. Est Bononiæ apud nos bibliotheca varietate librorum, & exquisitorum codicum copia cujuscumque literaturæ insignis. In hac ille abditus evolvere Patres, expendere Criticos, in adversaria referre quidpiam notatu dignum, sudare, algere: interdum etiam ob vehementiorem animi contentionem, viribus deficere.

V. Interea studiorum severitatem ut condimento amœnitatis aliquo relaxaret, poeticon coluit. Neque tantum excellentiorum poetarum lectione delectatus est, sed ad poeticas quoque scriptiones se contulit. Deduxit ad etruscos modos Phædri fabulas, quas pluries recusas, fere omnium manibus tractari video. Pari ratione Avieni, Gabriæque fabulas vertit: tum Gabrielis Fæрни centum, & Baptistæ Mantuani singularem. Condidit etiam ipse fabularum librum, quarum versus, judicio doctorum, italicæ venustatis sunt plenissimi (a). Sed Phædri versio

(a) Vid. quart. Actor. Bon. Inst. tom. cap. 1,

sio placuit præ ceteris; quamobrem Jesuitæ Mediolanenses quæ ab discipulis in suis scholis legerentur, dignas existimarunt. Hoc ego honoris loco ponendum esse judico; raro enim Societas illa, quæ auctoribus in omni fere eruditione claris abundabat suis, aliorum edita in scholis proponebat.

VI. Id erga poëticen studii paulatim desedit, maxime cum juvenilis illa, quæ musarum amica est, alacritas deferbuit. Accesserunt amicorum hortationes & consilia, qui cum tranquillo animo ferre non possent, Chrysostomum majoribus rebus natum, in mitioribus hisce studiis æquo plus inhærere, sæpe ad illum: laudabilem esse poësin: multa in ea concludi posse sapientiæ semina, magnamque ad informandos mores inesse vim; at rem ecclesiasticam & publicam literariam, utiliore operam ab eo graviolemque expectare, non versiones tantum, non fabellas, non jocos etsi frugiferos. His itaque factum est, ut sepositis versuum amœnitatibus, animum acrius in Theologica studia intenderet, pararetque citius editionem operis, in quo universam de

cul-

cultu Sanctorum doctrinam plura in volumina distributam explanavit. Accommodatam sane hanc tractationem Trombellius duxit, nedum tempori (sic enim ætatis desiderium ferebat, erumpentibus contra eum cultum libris hominum impurissimorum), verum etiam pietati suæ erga superos singulari. Nimis longum esset, & abs re fortasse, omnia quæ in opere continentur, propius attingere. Itaque dixisse sufficiat: aperuisse in eo, quæ sint propositum circa cultum patria Ecclesiæ sensa, ab ejusdem incunabulis petita historia: vetera commenta labefactasse & nupera hæreticorum, quibus majores nostros in hæreseos invidiam perperam vocatos invicte eripit: Patrum præterea, atque antiquiorum Theologorum sententias ut in concordiam adduceret, plura e dumetis obscuritatum explicasse: quæstionesque ingressum ad critices exactas leges, maxime ubi Carolinos expendit libros, & celebrem Adriani I. epistolam, luce ea monumenta sparsisse, quæ non admodum ab elapsi sæculi scriptoribus fuerant illustrata. Hæc dum agit, non est præ-

ter-

tereundum, quanta modestia in hæreticis rejiciendis usus sit. Tridentinæ Synodi exemplum persequens, eorum nominat fere neminem: immo amice cum ipsis dolenterque agit, quem morem servari Augustinus cum Donatistis, Pelagianisque volebat (a). Namque erat hoc Trombellio persuasum: aculeis orationis atque conviciis confirmari in errore eos, quorum etsi non bona causa, bonum tamen & persæpe fervens ingenium est, & ad maledicta promptum. In rei summa hoc illud primum fuit opus, cujus cum anno MDCCXL. primum volumen vulgatum est, statim auctori suo aures hominum, ut ex Plinio loquar, januamque famæ patefecit. Mitto multa de laudibus, quas ab iis retulit, quorum acer erat in judicando sensus, atque omnium instar uno Benedicto XIV. contenti esse possumus. Is enim non modo sæpius in suis operibus Trombellii lucubrationes maxime commendavit, verum cum perhonorificum de eo sermonem Quirinius Cardin. doctissimus apud Pontificem instituis-

set,

(a) Serm. de verb. Ap. in nova serie CCXCIV.

set, illius de cultu SS. labores tantopere probari sibi Benedictus testatus est, ut ejus oraculi Quirinius in epistola latine conscripta, Trombellioque data, memoriam exstare voluerit præclarissimam (a). Quamquam neque Lipsiensium Actorum Scriptores prætereundi sunt, quorum gravis est hac in re certaue auctoritas. At illi „ce-
„lebramus, inquit, merito Auctoris di-
„ligentiam, ordinem, & moderationem, in-
„genue fatentes, haud facile deprehensum
„iri inter Pontificios quemquam, qui te-
„lam propositam tam plene, & tam tem-
„peranter detexuisse sit existimandus „ (b).

VII. Sic oculos hominum dum in se converteret Chrysostomus, honore a suis auctus est promerito. Anno enim MDCCXXXVII. IV. Id. Maj. Patrum suffragiis Præsul primum nuncupatur: biennio vero post, redeuntibus generalibus comitiis, Bononiensi S. Salvatoris Canonicæ præficitur; quod quidem munus non alia sibi ratione sustinendum tuendumque proposuit, quam ce-
teris

(a) Consule, si lubet, epistolam postremam alterius to-
mi inter editas Quirinianas.

(b) V. Acta Lips. ad ann. MDCCXLVI.

teris facem ad virtutem præferens. Non dubito, quin affirmari possit, Trombellii rectionem universo coetui nostro fuisse salutarem, sic ut gubernationis ejus memoria nunquam apud nos intermoritura sit. Sed hac de laude commodiore loco redibit sermo. Nunc quod instat.

VIII. Annus erat MDCCXLVI., quo tempore tradita Præsuli Azzoguidio Bononien-
sis Canonicæ cura (hanc enim secundum administrabat) Romam concessit Benedictum Decimumquartum venerandi causa. Nam cum Pontifex egregias ejus animi dotes bene perspectas haberet (a), ejusdemque opera studioque, dum Bononiæ Archiepiscopum ageret, usus esset familiarissime: iccirco pro benevolentia, qua eum complectebatur, per literas significavit, pergratum sibi futurum, si se Romam contulisset. Hujus igitur in conspectum ut venit, mirum est, quanto amore, quantaque liberalitate sit exceptus, ut omnes ei, quod in urbe usuvenit, amplissima quæ-

(a) Sic Em. Quirinius in laudata superius ep. memorizæ prodidit.

quæque ominarentur. Neque vero ullus dubito, quin si multi eundem ventum nacti essent, occasionem navigandi arripuissent; videmus enim non paucos, cetera præstantissimos viros, honoribus inhiare, eorumque solitudine propemodum desipere. Joannes Chrysostomus contra eo studio detrectare honores visus est, quo alii non raro assequuntur. Nam ob maximam, quam a Pontifice iniverat gratiam cum multa impetrare potuisset, non modo pro se quidquam non petiit, quamquam juit bene multos; verum etiam Pontifici de eo amplificando cogitanti, non verbis ad simulatam humilitatem compositis, sed generosa oratione restitit.

IX. Non deerunt fortasse, qui de tanta hac Trombellii abstinentia magnificentius a me quam debuit, dictum putent. Quibus quidem hæc ego reputanda proponerem: vivere etiam eos, qui se Trombellium Pontifici repugnantem audisse testantur: deinde omnem illam operam propemodum incredibilem, qua nihil non movit noster, ut Ordinis sui literarumque incrementum procuraret,

raret, facile ad propria commoda, honoresque augendos convertere potuisse: id in eo perpetuo fuisse observatum, favores potentum amicitiasque, quibus floruit, numquam ad utilitatem suam pertraxisse: semel atque iterum ipsi Lambertinio sese objecisse, ne commendationem auctoritatemque suam apud nostram Congregationem interponeret, primum ut Præsul renunciaretur, tum ut Procurator Generalis crearetur.

X. Nonnullos menses Romæ transiit Trombellius; quo tempore habuit sui studiosos complures primarios viros & literatos, quorum amicitias mutuis officiis nutritas constanter retinuit. Sed cum longius ibi considerare, quod Pontifex proposuerat, renuisset, ab eodem multiplici benevolentia significatione, atque amicitia osculo per summam benevolentiam donatus, Bononiam ad sua studia revolavit. Redeo ad hæc.

XI. Ut in manus hominum venire libri de Sanctorum cultu, senserunt illico Religionis hostes, strenue a Trombellio contra ipsos Catholicorum partes esse actas.

Ergo

Ergo indignantes de rejiciendo opere cogitarunt. Illustre erat per ea tempora inter Germaniæ protestantes Kieslingii nomen hominis in nos acerrimi, ut editi ab eo libri patefaciunt. Merum os hæreticorum Kieslingium dixisses. Is itaque cum respondendi onus libenti animo suscepisset, suos exercitationum tomos contexuit, quas *antitrombellianas* inscripsit, ac Lipsiensibus typis commisit. Quirinius Cardin., cui Trombellius erat carissimus (a), ut primum rem cognovit, amicum de adversario monuit, & exercitationes communicavit. Scatebant ex acerbitate, odio, scurrilitatibus: neglecta critice, perversa fides, sophismata congesta, quod solent deterrimæ causæ patroni. Hæc tela ut vidit Io. Chrysostomus contra se conversa, principio responsione non esse opus sibi persuasit. Sed urgere Quirinius, jubere Benedictus xiv. Accessit Kieslingii immodestia, qui privatis literis Joanni Chrysostomo missis, optione data, destitutum

b rum

(a) Quanta in æstimatione atque amore apud Quirinium Trombellius esset, non modo e superius laudata epistola colligitur, sed ex aliis etiam ad eundem datis evulgatisque, tum e scriptis laudati Cardinalis contra Kieslingium.

rum se inceptis promisit, si a defensione noster abstinuisset. Ille itaque, dubitatione sublata, vindicias operis lucubravit, ediditque Bononiæ, non suo tamen, sed adscititio *Philalethis Aphobi* nomine, indecorum, opinor, ducens tam dissolutum opus proprio nomine refutare.

XII. Quanta commendatione responsio digna sit, norunt docti, & amplissime ab literariæ historiæ Auctore est demonstratum (a). Sed operi non modica hæc laus accedit, ut arbitror; temperantia nempe, quam sectarii audaciæ opposuit Trombellius. Nam & conviciis abstinuit etsi lacesitus, & reprehensione absque asperitate usus est; cumque novisset Kieslingium de latinæ linguæ peritia palam plurimumque gloriantem, nihil hoc nomine dignum in exercitationibus præsetulisse, multa quidem paulo vehementius congesserat Jo. Chrysostomus, quibus Tulliastrî hominis arrogantia frangeretur; sed pacatiore animo compressit inde censuram, maluitque hac in re liberalitate atque officio, quam scriptionis acu-

(a) Vid. hujus vol. 121.

aculeis decertare. Hac mansuetudine factum est, ut ejus virtutem heterodoxus plurimum admiratus sit, primaque illa deposita persona, amicitiam ab eo expetiverit literis honestissimis; præterea nonnullos libros a se impressos dono eidem miserit, ipsamque Trombellii imaginem, quam ære, proprio sumptu curaverat incidi. Quamquam vero hanc de Trombellio laudem leviolem nonnullis visum iri putem, ideo tamen præmittendam non duxi, quod tota non naturæ sed virtuti tribuenda sit. Natura namque erat in primis fervidus, & iracundiæ stimulos, quod ex ipso vultus colore dignoscebatur, facile persentiebat.

XIII. Interea dum unum vulgabat opus, alia quoque parabat deinceps proditura. Præcipue vero delicias suas in pervolvendis veteribus codicibus collocabat, quod studii genus ad persequendum non mediocre se Romæ incitamentum habuisse profitebatur. Cum enim ibi studiorum causa versaretur, & forte Vaticanam bibliothecam adiisset; accidit, ut in ea ab amicis inquireretur super ætate codicis nescio cu-

jus.

jus. E bibliotheca vir quidam certo antiquiore sæculo exaratum fidenter affirmavit. Restitit comiter Trombellius: & *vide*, inquit, *num decimum tertium verius redoleat: sic ejus sæculi orthographiam, sic contractiones tum usitatas monere*; quæ opinio cum omnibus, illique ipsi viro probaretur, incredibile est, quantopere juvenis voluntatem erga hæc studia confirmaverit. Ita sumus homines: levibus persæpe causis ad res magnas excitamur, & minimis igniculis ad non vulgarem gloriam assequendam exardescimus. Hoc factum est, ut ejus libri toti antiquitatis luminibus liti sint atque ditati, nec iis exceptis, qui *ascetici* nuncupantur. Hinc plures ipse codices in adspæctum lucemque protulit, aliique ut proferrent, auctor fuit. Optime namque judicabat, utiliorem literis præstare operam qui erudendis e bibliothecarum situ veterum lucubrationibus, si sint luce dignæ, incumbunt, quam qui novos edunt libros; cum plerumque novi libri, si quid boni continent, antiquis acceptum referre debeant. Jam vero de his codicibus nonnulla dicamus.

XIV. Latebant in bibliothecæ pluteis M. Marini Brixiani Canonici nostri *Adnotationes in psalmos* nova versione ab ipso illustratos: quod opus adversa valetudine correptus exædificare Marinus non potuerat. Ex vero cum expeditissimæ essent, perspicuæ, et psalmorum sensum exhibentes, atque a viro profectæ de hebræis literis præclare merito (a); optavit vehementer Jo. Chrysostomus, ut in usum hominum utilitatemque prodirent. Oppido gestus est ei mos. Nam Jo: Aloysius Mingarellius tum Canonicus, nunc Abbas noster meritissimus rem strenue suscepit, & præstitit, ut spes erat, feliciter (b). Sed de Mingarellio nunc tacendum: quamquam libri de eo loquuntur, & pervulgata

b 3

jam

(a) Marinus sæculo xvi. floruit, ea scilicet tempestate, qua nostra Congregatio complures habuit doctrina præstantes viros, in quibus Steuchus, & Marinus hic ipse eminere, quorum primum J. Cæsar Scaliger ep. xv. *hominem divinum, & vera literatura sine dubitatione principem*; alterum *hebrææ linguæ Priscianum* Cottonus appellavit.

(b) Ejusdem Marini vitam, Scriptorumque de eo testimonia cl. Mingarellius editioni præfixit, hebræorumque Canonicorum explanationem addidit, in qua postrema laus est excellens hebrææ linguæ peritia. Vid. hist. lit. tom. 1.

jam fama persona, in qua Steuchum, & Marinum ipsum redivivos suspicimus. Trombellio vero suam laudem non denegamus, qui quod per se, occupata opera, hebrææque linguæ ignarus facere non potuit, ut alius efficeret, suasor adjutorque fuit; quique adeo totum æs, quod sibi e vendemiolis redibat suis, editioni optimæ procurandæ contulit. Prodiit opus Bononiæ in duas distributum partes anno MDCCXLVIII. Primam partem Benedicto XIV. Trombellius per suam epistolam inscriptam voluit (a). Nam cum Bononiensem Ecclesiam obtineret ille, quo tempore Archiepiscopales ædes reficiebantur, humanissime apud nos commorans, Canonicis nostris in primisque Trombellio ad proferendos codices nondum evul-

(a) In ea epistolâ nuncupatoria autographos esse commentarios Marini vere pronunciat Trombellius: sed Bononiensi exemplari emendatius aliud autographum jussu Innocentii X. Pont. M. in Vaticanam bibliothecam superiore sæculo importatum fuit. Libenter id moneo tum ut germanum autographum consuli possit, siquæ nova paranda sit operis editio (perrara enim & exquisita ejusdem exemplaria sunt), tum quia hoc ad el. Editoris commendationem plurimum valet, qui ut parum scite descriptum exemplar nostrum in bonam frugem restitueret, ingentem laborem, molestiamque devoravit.

evulgatos adjecit animos. Altera pars Bremondio dicata est, qui supremam Dominicæ familiæ præfecturam gerebat. Hoc primum Anecdotorum S. Salvatoris volumen.

XV. Triennio post alterius voluminis prima pars sequuta est Blasio du-Chesnio Sanctæ Genovefæ Præsuli nuncupata. Tredecim in ea Ecclesiasticorum Scriptorum opuscula continentur, conjecturis, illustrationibus, doctrinisque Editoris ornata. Sed Paulini Mediolanensis libellus (qui nomen tenet locum) *de benedictionibus Patriarcharum* tractans, a Mingarellio est explanatus. Hæc vero omnia etsi auctorum nominibus, & luce, quam eruditioni sacræ afferunt, non mediocriter commenduntur; duo tamen præstantiora ceteris videntur esse: primum, quod inscribitur *Exhortatio S. Cypriani de pœnitentia*, quod fere totum Scripturæ divinæ verbis rite compactis continetur. In eo Novatiani coercentur, a quibus Ecclesiæ, graviora crimina remittendi facultas eripiebatur: emendanturque Catholici, quorum alii intoleranda asperitate usi, alii vero lenitati æquo plus indulgentes,

Ec-

Ecclesiæ jura in Sacramentalis Pœnitentiæ negotio pervertebant. Secundum illud sequitur libellus sub Hilarii nomine, sive epistola ex iis quæ ad Episcopos mittebantur, uberem Christianorum dogmatum morumque institutionem complectens, quæ cum gravissimis rebus abundans sit, & difficilioribus quandoque locutionibus sparsa explicatu dignis, propterea tribus a Trombellio dissertationibus aucta est, quibus omnia bono in lumine collocantur. Sed cum de illius auctore sententiam in præfatione suam interponens, Hilarii Pictavorum Episcopi foetum esse statuisset, non stetit hæc sententia erudito Feltrio Scholarum piarum tum Theologo, qui Antenicæno potius Patri adjudicandum censuit: hunc vero non ut certum statuens, sed ut probabile sequens, S. Cyprianum conjecit esse. Nostra non interest neque Trombellii partes, neque Feltrii tueri; quamquam dici fortasse potest, subtiliter utrumque multa, quæ non ita dilucide, disputasse. Unum sciri volumus: Feltrii argumenta Trombellius per literas ab eo sibi datas cum cognovit,

vit, tantum abfuisse, ut moleste exciperet, quin ad ea typis proferenda, qua erat modestia candoreque animi, eruditum adversarium excitaverit (a).

XVI. Jam vero ex his, ceterisque opusculis, quorum titulos in syllabo subjecimus, tam multa testimonia petuntur, quibus veritates Catholicæ elucidantur, rationesque, quibus nonnullæ ad sacram criticism pertinentes opinionès solidantur firmissime, ut eorum numerum complecti non hu-

(a) Præstitit id Feltrius dissertatione in hunc libellum Romæ edita typis Poecinelianis ann. MDCCCLXVI. En quæ prope finem de Jo. Chrysostomo habet. „Ceterum moderatione quamvis maxima causam dixisse videar adversus Virum cl. de literaria rep. & de re Theologica optime meritum Jo. Chrysostomum Trombellium; nullo tamen modo, ut hæc in publicum prodirent passus fuisset, nisi doctissimus Vir ille, quem honoris causa semper nominavi, humanissime mecum agens, veniam mihi hac de re fecisset amplissimam, atque neque significasset per epistolam amoris ac benevolentiae plenam, rem non injucundam, nec molestam me illi facturum, si quas privatim in epistolis ad eum datis proposueram difficultates, publicam in lucem emitterem. Tanti quippe facio ejus auctoritatem dignitatemque, ut eo vel inscio, vel non æquo animo ferente, ne minima quidem in re ausus fuisset, edito opusculo ab illo discedere. Imo neque facultate ab eo concessa usus fuisset, nisi studiorum meorum ratio ut istud consilii caperem, effecisset.”

hujus loci sit. Ipsa opuscula perlegenda sunt; aut, si lubet, literariæ historiæ nonnulla capita, in quibus ex iis præcipua magno cum delectu judicioque video delibata (a). Neque minoris æstimanda sunt quæ in altero tomo quatuor post annos edito continentur. Potiorem inter hæc videntur tenere locum Claudii Taurinensis in libros Regum commentaria in duas partes divisa, de quibus hoc pridem judicium tulerat in *Bibliotheca Pistoriensi* cl. Zaccaria: ea tum ad historiam Ecclesiasticorum Scriptorum, tum ad rerum in causa Claudii Taurinensis Iconoclastæ gestarum seriem, originesque dignoscendas maxime conducere. Viderat igitur edendi codicis utilitatem Zaccaria, viderat & Mansius doctissimus Lucensium Archiepiscopus, Chrysostomique amicus; sed illi cum diutius Pistorii (ibi enim asservabatur codex) consistere non liceret: alter vero aliis operibus edendis interciperetur; Trombellius quam in sua bibliotheca habebat commentariorum partem, & aliam quam e Pistoriensi codice Mansius exscripserat, hu-
ma-

(a) In vol. III. lib. I.

maniterque eidem concesserat, evulgavit.
Mitto cetera.

XVII. Huc revocari possunt veteres quædam Litanix precesque antiquitus in Sabbato Sancto recitari solitæ. Porro monumentum istud liturgicum satis dignum, cum in manus ejusdem forte incidit, nihil aliud erat (eheu quot antiquitatis divitiæ miserrime sic periire!) nisi ignobilis libri integumentum. E squalore igitur, imo ex ipso igne, cui jamjam consignandum erat, sagacitate diligentiaque ejus ereptum est, donatum literis, illustratum. Nam super illo cum nonnullæ quæstiones inter eruditos ortæ essent: de *septena* (sic enim Litanix inscribuntur) quid esset: de Trinitate in illis non invocata: de titulo Virginis: de quibusdam Sanctis, ac præterea ad quam Ecclesiam, quodve tempus pertinuerint; hæ, inquam, quæstiones occasionem editori dederunt dissertatiunculam lucubrandi, quæ Calogerano thesauro inserta est (a). Sequitur post illas sermo quidam brevis de *Abraha filio* vetusto Patri tribuendus. Hanc

O-

(a) Consultato hujus collectionis vol. xxxii.

opellulam e prænobili bibliothecæ nostræ volumine, quo *Lactantius* continetur, primum Trombellius excitavit; neque excitavit solum, sed cum amanuensis imperitia erroribus scateret, ex ingenio ille perpolivit (a).

XVIII. Est etiam cognitione dignus S. Antipatri Episcopi sermo de B. Virgine. Hujus exemplar viderat Trombellius, cum Romæ esset, in Vaticanæ bibliothecæ codice inter latinos 3835. Illico nata est vulgandi cupiditas. Petiit: impetravit. Cl. Cacciarrii diligentia usus, sermonem in manibus habuit fidelissime exscriptum, at non qualem ratus erat. Namque perlegenti accidit ut pessime corruptus inveniretur, non modo amanuensis vitio, (quod genus hominum plerumque ineruditum esse vulgatum est) verum etiam interpretis; e Græco nempe fuit latine redditus, sed ea, ut Trombellius ipse suspicatur, tempestate, qua per sum-

(a) Lactantius noster sexto, vel septimo Ecclesiæ sæculo exaratus est, ut norunt eruditi: non eodem tamen caractere est præfatus sermo, quamquam antiquissimo sit. Utriusque specimen Jo. Chrysostomus dedit in libro, cui titulum fecit: *Arte di conoscere l'età de' Codici Gre.*


summam calamitatem cum pauci græcam latinamque linguam callerent , non pauci tamen erant , qui ex græcis libris latinos facere pertentarent . Is itaque cum omnia in eo incompta perturbataque vidisset , horrere primo ac propemodum animo despondere ; sed cum inde statuisset , commodè sermonem seniori Antipatro Bostrorum in Arabia Episcopo tribui posse : cumque in eo Deipara laudibus ornetur , quas dare illi Ecclesia consuevit , & insuper catholica adversus Novatorum intemperantiam confirmentur dogmata ; vicit erga Deiparam amor : vicit veritatis sollicitudo : sicque ingenii lacertos in laborem improbum ille contulit intenditque , ut de carbonibus , quod ajunt , thesaurum habeamus ; opusculum scilicet , emendationemque maxime doctis comprobata (a) .

XIX. Interea dum sacra antiquitas intra doctas Trombellii manus juvenesceret , Canonicam quoque suam quibuscumque rebus poterat , ornare non prætermittebat . Præce-

(a) Tota res epistolari dissertatione contenta in Caloggerano vol. XLIII. edita est.

ceteris in id incubuit, ut historiam plenam perdoctamque haberemus tum ejus, quæ a templo Divi Servatoris nomen habet, tum Rhenanæ Canonicæ, unde illa derivata est, antiquissimæ. Plura igitur hanc in rem monumenta collegit, italoque sermone Bononiensibus commisit typis anno MDCCCLVI. De Rhenana, quæ tertio fere milliaro Bononia aberat, sic statuit: eam multo ante MCXXXVI. annum erectam, contra quam Pennottus sentit, cujus argumenta non vagis conjecturis, sed historica luce dissipantur. Illius vero institutionem Canonicis primariæ Bononiensis Ecclesiæ acceptam refert, qui regularis antiquioris disciplinæ servandæ causa, cum inter sese dissiderent, sic lis finita est, ut qui erant veteris propositi tenaciores in quemdam locum prope Rheni ripas quasi in pacatum tutumque portum secesserint, ubi peramplam Canonicam templumque Sanctæ Mariæ sacrum ære proprio constituerunt. Discrimina deinde subnectit sequiorum temporum. Ut Monasterium dilapsum bellorum impetu, ut inde reffectum, ut postremo in S. Sal-

va-



vatoris ædes Bononiam a Canonicis demigratum. Tum facta persequitur, quibus regularis hæc societas penitus occidisset, nisi accersitis a Francisco Ghislerio nostro Ambrosianis Eugubii, nova hac optimaque consitione, & numerus & prisca nostrorum disciplina reviguisset (a). Inter hæc adversarios (habet enim in primis Pennottum & Maurolicum impotentis ingenii homines alia sentientes) sic premit, tantaque præterea copia ac varietate quidquid dicit, illustrat, ut discussam dicas omnem omnium temporum, per quæ divagatur, eruditionem. Multa post hæc retulit de Bononiensi Canonica, de viris illustribus, quos Congregatio nullo non tempore dedisse videtur literis Ecclesiæque. Tandem plura edisserit de Rhenano necrologio perantiquo, ex quo magnam partem hæc historia diducta est. De qua quidem illud sine errore affirmari potest:

(a) Canonici Regulares S. Augustini Monasterium S. Ambrosii prope Eugubium tum temporis incolentes paucis ante annis quam Rhenani fierent, a Greg. XII. Lucæ primum approbati, deinde Martini V. decreto veri æ germani Canonici declarati sunt: ejus Pontificis Maximi indulgentia, concessuque Ghislerio nostro accesserunt. Vid. Tromb.

test: eam non modo res nostras propius attingere, sed Bononiensium quoque res, & magnam literaturæ partem illuminare. Itaque nonnullos video, qui de rebus ad Bononiensem historiam pertinentibus post Trombellium scripsere, non parum eo opere usos esse; laudatores vero permultos reperi viros laudatissimos.

XX. Hæc ille monumenta etsi uberissime persecutus est; reliquit tamen nobis, quod iis non sine grati animi jucunditate adjiceremus: cetera illa ornamenta, quibus per hæc & sequiora tempora Canonicam ipse suam insignivit. Complecti minora nolo, quæ communia cum aliis esse solent, & Bibliothecam auctam, Museumque conditum solummodo nominabo. Illa namque jam antea illustris, ut superius attigimus, estque pridem a Mabillo-
nio, Montfauconio, aliisque in suis itineribus memorix proditum, tantis paulatim accessionibus a Trombellio locupletata est, ut inter nobiles Italix bibliothecas numeretur: ceteris vero, quibus florentissima Bononia instruitur, manu conscriptorum

codicum copia, præstantiaque antecellat. Quare Trombellii rogatu Carolus III. tum Neapolis, nunc Hispaniarum Rex munificentissimus bibliothecæ S. Salvatoris Herculanensium monumentorum libros dono concessit: quod quidem munus nonnisi ab insignioribus bibliothecis impetrabatur. Eminent in ea Jo. Chrysostomi curis collectio liturgica, de qua Montefanius & Maniagus duo viri docti, qui Bononiæ erant a bibliothecis, sic statuerunt: isthac exquisitiorrem vix a magno viro principe comparari potuisse; sed homo diligens & perspicax tanta sagacitate odorabatur bonos libros & pervestigabat, ut venaticum illorum canem dixisses. Huic vero supellectili augendæ, quidquid sibi pecuniarum erat, plena manu conferebat, excitabatque amicorum sedulitatem, quos habebat studiorum fautores, in quibus honoris gratia numerandi præ ceteris sunt Franc. Zanottius, Muratorius, Monsacratius noster, Topsilius Abbas Pollinganus, Tiraboschius, Borgia & Gallettius cl. Romani Præsules: in primis vero Eminentissimus Garampius semper cum lau-

de nominandus: qui doctissimus cum sit ipse, doctrinæ & doctorum hominum patronus numquam non exstitit, etsi gravissimis pro Christiana republica curis occupatus.

XXI. Jam vero præter codices, antiquitatis etiam cujuscumque generis monumenta undequaque collegit; quod eo fecit, innato cuidam amori ut satisfaceret, quo in omnem antiquitatem ferebatur, utque Canonica ornamento consuleret æque atque optimorum studiorum utilitati. Etenim non ignorabat vir doctus, omnem iis monumentis illustrari historiam, priscique ævi cognitionem studiosorum oculis propemodum subijci. Sed cum hanc utilitatis partem mirifice a numismatum studio proficisci intelliceret; in illis propterea conquirendis omni nisu incubuit, in quibus virorum illustrium series est præ ceteris absolutior. Ea vero græca sunt, romana cum consularia, tum imperialia, alexandrina, ad urbesque autonomas pertinentia; neque tantum numero, sed varietate etiam, pulchraque integritate spectanda. Excrevit horum nume-

rus

rus ex Apostoli Zeni Museo distracto, cuius non exigua pars post obitum viri cl., qui Trombellii, quamdiu vixit, amicus atque admirator exstitit (a), in nostrum deducta est ejusdem Trombellii cura. Id non inutile erit iis scire, quos Zeni industria in eo constituendo, delectusque non latet. Ceterum inedita in Museo nostro non pauca. Erant & alia nonnulla, quæ clarissimis viris Odoardo Corsinio & Scholis piis (b), Eckellio & Zucconio & S. J., Zanettio, atque adeo Chrysostomo nostro dedere copiam dissertationes omni eruditionis fruge ornatas elucubrandi.

XXII. Accedunt antiqua aposphragismata


(a) Vid. vol. VI. epistolar. Zeni ed. Venet. an. MDCCCLXXXV. typis Sansonianis.

(b) Incomparabilis hic Trombellii amicus epistolam latinam super numismate in honorem Livie augustæ ab Atheniensibus, ut putatum est, percusso satis longam conscripsit. Hæc ad Trombellium data (quod ejus erat numisma) anno MDCCCLXVI. Bononiæ prodit, magnoque ab eruditis plausu excepta est, ut cl. Fabronius in ejus vita scripsit. Ego vero a doctissimo Blancanio, cujus auctoritatem magni facio (is est, qui apud Bononienses antiquitatis studia senescere non patitur) ab eo, inquam, audiui de numismatis sinceritate prudenter esse addubitarandum. Aliorum hac de re iudicium esto.

mata seu sigilla ex ære ut plurimum literis insculpta, quæ ad Ecclesias vel Ecclesiasticas personas, vel ad Venetiarum Duces, aliosque pertinere. Inter hæc lectissimum unum in forulis servabatur ad Carferonianam spectans, vulgo *Garfagnana*, ut ipsa præferebat inscriptio: CARFAGNANA BONUM TIBI PAPAM SCITO PATRONUM. Monumentum conspicuum ipsum per se, quodque pontificia jura insigniter commendabat, Pontifice M. munus plane dignum est judicatum. Doctissimus Præsul Garampius cum de eo illustrando humaniter per epistolam a Trombellio fuisset adductus, librum multo elegantissimum suæque eruditione dignum conscripsit, & Clementi XIII. sacravit (a); tum cl. Borgia cum id monumenti, cimeliis commutatis, obtinuisset, Clementi XIV. obtulit, restituitque. Possem hic articulatim

re-

(a) Huic titulum fecit: *Illustrazione di un antico Sigillo della Garfagnana. Roma MDCCCLX. presso Pagliarini.* Reddam nonnulla verba cl. Auctoris, quæ huc pertinere videntur. „ E' „ questi un Sigillo (sic pag. 3.) di bronzo della grandezza „ e forma, che rappresenta il disegno prefisso in fronte a „ questa nostra operetta, posseduto dal Rmo P. D. Gio. Gri- „ sostomo Trombelli Procurator Generale della Congregazione „ de'



recensere statuas, annulos, asses, vitrea, cimelia cetera; verum hæc, quæ existimari per se volunt, communia tamen aliis hujus generis collectionibus ut fere sunt, expeditius erit præterire.

XXIII. Neque ille cum summam ageret senectutem huic se studio addixit, ut ex errore in ephemeride literaria florentina (a) notatum vidi, sed post exactam juventutem: quamquam a primis annis adolescentiæ erga eadem animatus videbatur. Ut vero securius hanc spartam feliciusque excoleret, cum viris, quos sæculum in hoc genere præstantes habuit, frequenter per literas communicabat (b); quod enim ad

c 3

ce-

„de' Canonici Regolari di S. Salvatore, uomo tanto benemerito della sua Congregazione, e della repubblica letteraria, „e diligentissimo raccoglitore d'ogni genere di antichità, delle quali ha arricchito il Museo del celebre Monastero di „S. Salvatore di Bologna, dove nello scorso Ottobre visitai „con mio sommo contento non solo il Museo, ma anche la „Biblioteca ripiena di preziosissimi codici manoscritti. E siccome il suddetto P. Abate abbonda non meno di dottrina, „che di gentilezza, perciò mi ha egli il primo dato notizia „di questo Sigillo: me lo ha fatto considerare sotto gli occhi, ed eccitato a pubblicarlo.

(a) Num. 11. an. 1784.

(b) Horum doctæ epistolæ, Principum præterea, ac viro.

cæteras artes disciplinasque pertinet, ut multis doctorum hominum officiis mirifice enutrientur, id nummariæ studium peculiari quodam jure sibi vindicat. Quod si id studium tantum Trombellio nominis non peperit, quantum, opinor, pro ejus ingenio parere potuisset, cogitandum est: ad quem finem ab illo excultum sit: tum etiam graviora opera consideranda, quibus Religionem literasque insigniter sibi ipse demeruit. Interea multis ad proferendas antiquitatis divitias auctor fuit (a), nonnullosque etiam suis ad hæc studia præceptionibus informavit. Itaque duo eruditi viri, Repos-
tius

rum illustrium ad Trombellium data partim in Bonon. bibliotheca nostra servantur, voluminibus his numeris consignatis 847. 848. 849. 850. 897., partim apud me sunt, quæ in volumina rediguntur, partim in manus viri doctissimi Jacobi Blancanii, Trombellii amicitia benevolentiaque iverunt. Utinam ab harum plurimis proferendis in lucem & prudentia temporis, & modestia virorum, qui scripsere, non impediremur! quam pulchra eruditionis argumenta haberemus! quantam Jo. Chrysostomo gloriam adderet consentiens illa laus doctorum hominum atque bonorum, incorrupta vox, ut ait Tullius, bene judicantium de eccellente virtute!

(a) Laudatur hoc nomine a cl. Eckellio in suis *Num. vet. anecd.* edit. Viennæ Austriæ ap. Kurzbeck 1775. pag. 250., ubi Laodicenum Trombellii nummum spectandæ notæ illustratum reperies.

tius præpositus Iguvinus, & Zanettius Guido Bononiensis, quidquid in re nummaria profecerunt, id fere totum Trombellio acceptum referunt non sine testimonio grati animi luculento (a).

XXIV. His rebus factum est, ut quotidie magis nitesceret Trombellii nomen, in æstimationemque veniret virorum etiam Principum, quibus placere non ultimam esse laudem, scite poeta lyricus pronuntiavit. Pontificibus summis carissimus fuit; maxime Benedicto xiv., quod alibi dictum est. Eorum plures exstant literæ honorificentissimæ amorisque plenæ ad ipsum missæ. Æstimavit eundem Maria Teresia Imperatrix et Hungariæ Regina Apostolica, quæ splendidos illos libros, quibus Vindobonensis Musei numismata, & nummi describuntur, liberaliter donavit. Quanti eum fecerit Victorius Amedeus Sardinæ Rex, illud ostendit, quod ad Theologicam facultatem in Taurinensi Licæo pertractandam, honestissimis propositis præmiis, ab eo in-

vi-

(a) Vid. Zanettii *Nuova Raccolta delle Monete, e Zecche d'Italia*. Bologna, tom. 2. pag. 9., & tom. 1v. pag. 4.

vitatus est : quam ille conditionem si non
 accepit , congregationis , patriæque amor ef-
 fecit , quo Bononiæ inter suos considerare
 maluit , quam Augustæ Taurinorum . Sed
 generosi in patriam studii non infrequentia
 hujusmodi sunt apud illustres Bononienses
 exempla , quæ aut literis jam commendata
 habemus , aut a posteris , credo , commen-
 dabuntur . De Josepho Hassiæ Darmsta-
 diæ Lantgravio atque Augustano Episcopo
 quid dicam ? cujus erga Trombellium amo-
 rem plures epistolæ declarant , ab eoque ca-
 lix dono missus una cum patena magni
 ponderis ex argento inaurato confectus , exi-
 mioque opere cælatus . Quamquam dicen-
 dum est : ad Augustani Principis benevolen-
 tiam comparandam Trombellii amicos mul-
 tum contulisse , librosque a se ejus nomini
 consecratos ; Sabaudix vero Ducem eo sibi
 opere devinxisse , in quo præcepta tradidit
 ad veterum tum latinorum , tum ita-
 lorum codices distinguendos accommodata . Est nam-
 que id operis majestati ejus Principis in-
 scriptum , lucemque aspexit Bononiæ anno
 MDCCLVI . Quod pluries typis recusum sit ,

satis

satis ostendit operis præstantiam (a). Itaque stupendum non est, si plurimum pro eo gratiæ harum rerum amatores Trombellio habuerint etiam post egregia Mabillonii & Montfauconii merita in diplomaticam eruditionem. Nam nec idem est institutum, quod docti Maurini sibi proposuerunt, & diversa nostratium orthographia, literarum mutationes, contractionesque syllabarum, & nexus; quæ illi de transalpinis solliciti, fere illibata reliquerunt. Altera Bononiensis editio duabus epistolis locupletata est, Tartarottii una, Trombellii altera. Nempe iudicium de hoc libro tulerat celebris ille vir in epistola ad amicū data, sic ut librum impense laudaret, quasdam tamen opiniones extenuaret, quasdam paulo plus a Jo. Chrysostomo

mo

(a) Cum, Trombellio insciente, an. MDCLXXX, recusus fuisset hic liber typis Neapolitanis, eique *Diplomatica* titulum arbitratu suo Editor præfixisset, moleste id tulit noster auctor æque atque munda, quibus conspersa & commaculata est editio. Eapropter hanc notam marginalem cuidam exemplari apposuit: „ Questa edizione è assai scorretta. Inoltre il „ titolo è posto a capriccio. L'arte di conoscere l'età de' „ Codici è una piccola porzione, o anche il frutto della diplomatica, non la diplomatica stessa, che abbraccia assai „ più. Vi manca pure la piccola, ma opportunissima giunta „ posta nella seconda edizione Bolognese, „

mo amplificari potuisse contenderet . Hic de re tota ab amico certior factus , ejus epistolæ ut sibi copia indulgeretur & petiit , & assequutus est : quo facto , perbreve[m] respon- sionem concinnavit , quæ quidem , arbitror , Tartarottio ipsi , si viveret , non displiceret . In ea namque temperanter , quidquid in li- bro ediderat , opinionum confirmat : negatque ob propositam sibi ipsi in scribendo brevi- tatem , explicatiora , quæ scripserat , esse de- buisse : Tartarottii autographum in bibliotheca Roboreti publica servatur .

XXV. Sub idem tempus illustrando ve- teri puteo dedit operam . Res sic se habuit . Cum villici in quodam Dominicanorum præ- dio non procul a Bononia dissito terram al- tius foderent , puteum præter expectationem nacti sunt antiquissimum . In eo literarum notæ pulcherrime insculptæ significabant : Lucium Apusulenum quemdam Apollini pu- teum illum , Genioque Cæsaris dedicasse , puteoque puteal adjunctum , laurosque (a) .
Mo-

(a) Inscriptio putei περιστομίου insculpta sic habet :
APOLLINI . GENIOQUE . AVGVSTI . CÆSARIS . SACRVM . D. S. P.
L . APVSVLENVS . L. L. EROS . MAGISTER . PVTEVM . PVTEAL . LAVVS .

Monumentum, quo nescio, an post *marmora Felsinea* illustrius sit ullum, Bononiensi Scientiarum Instituto donatum est. Trombellius vero, ut erat in omni antiquitate versatus, argumenti nobilitate captus tenere se non potuit, quin de veteribus puteis quærere, eorum dedicationes persequi, de Genio Cæsaris, de L. Apusuleno scire vellet. Itaque dissertationem adornavit, quam laudatissimi viri Franc. Zanottius, & Cajetanus Montius cum perlegissent, magnopere collaudarunt, typisque committendam duxerunt (a). Non id tamen Trombellius præstitit, sed manuscriptam dissertationem in manus amicorum transtulit. Quamobrem non ediderit, satis mihi notum non est. Sed cum Paciaudus, Pontificis jussu, Romæ sententiam suam de puteo aperuisset, iniissetque aliam in explicando viam (b); suspicor, amicitia, qua

(a) Vide quartum Bon. Inst. Comment. tom., & Pauli M. Paciaudi commentariolum, cui titulus est; *Puteus sacer &c.* Romæ a Palearinis excusum anno MDCCCLVI.

(b) Trombellius puteum haud fuisse sacrum contendebat, sed in gratiam usumque peregrinorum factum; etenim pluvialis aqua sacris faciundis minime idonea exstissee illi videbatur; Cæsarem, cujus Genio puteal dicarum, non sacratum esse con-
ten-

qua cum Paciaudo Trombellius jungebatur, & æstimatione erga illum factum esse, ut liberali huic humanoque officio locus extiterit.

XXVI. Anno MDCCXLVI. inclita Bononiensis Instituti Academia, inprimisque Franc. Zannottius (qui, quantusque vir!) ejusdem a Secretis, cum non mediocre Trombellio indicium voluntatis atque existimationis dare vellent, eum plane nihil hac de re cogitantem inter Academicos Socios retulerunt. Sic & illum Academia illustravit, & ab eo vicissim illustrata est. Nam præter nominis commendationem, qua plurimum valebat, non unam eidem operam Trombellius

tendebat, Neronem probabilius esse statuit: Lucium Apusulenum non sacris, sed gregi potius præfuisse; itaque *magistrum pecoris* eundem appellavit. Dissidet in his opinionibus a Trombellio Paciaudus; fatetur nihilominus, omnem illam laudem quam ei a multis annis in omni literaturæ genere tribuebat, merito deberi, vel ex una illa scripta dissertatione sese intelligere: eapropter permittere, opellulam suam in hominum lucem manare, ut Trombellius de sua etiam evulganda cogitaret?
 „Licer enim (inquit prope finem commentarioli) nostra nobis
 „verosimilia videantur; non dubito, quin *pro studiis homi-*
 „*num semper diversa probantur*, Trombelliana interpretatio
 „& plurima affluens doctriua, & a magno viro, in primis
 „que claro conscripta multis perplaceat,,.


lius contulit, ut Instituti Acta patefaciunt. Itaque disseruit in Academia de tela ex genistarum corticibus confecta, de ratione opificii, deque emolumentis, quæ ex iis fruticibus, si conveniens labor atque ars accesserit, capi possunt: tum de numismatis quibusdam gallicis dono ad Institutum a cl. Tithono Tilleto missis. Trombellio namque Academia, quem magni in re antiquaria faciebat, cum recognoscenda tradidisset, ab eoque optasset, quid essent scire, quidque de illis ipse sentiret; expectationi Sociorum satisfecit, epistola ad Zanottium scripta: in qua cum de iis rebus diceret, condendorum numismatum artem ex occasione Italæ attribuit; quod illam scilicet multis jam sæculis intermissam Veronensis quidam pictor revocaverit.

XXVII. In quo tamen plus curæ adhibuisse visus est, opusculum illud fuit, in quo, incitamenti Zanottii morem gerens, de nauticæ pyxidis inventionione disseruit. Videbat Jo. Chrysostomus, id argumenti densa caligine septum esse, perpetuisque Scriptorum litibus disseminatum. Quamobrem ut aliqua

sta-

statueret, ut multa rejiceret, omnem fere eruditionem pertentavit. Acum nauticam apud Sinenses jamdudum ante Europeos in usu fuisse autumat: illam ex Asia in Europam a Veneto quodam Mercatore devectam, deinde ab amalphitano cive, tum ab Anglis commodiorem in usum elaboratam perfectamque. Huetii interea argumenta infirmat, volentis ab Ægyptiis Sinenses profectos esse: librum, qui *de lapidibus* inscribitur, ab Aristotele abjudicat, aliasque dejicit opiniones, quas omnes recitare, alieni instituti esse putaretur. Hoc intelligi volumus, quod ad ejus laudem pertinet: opusculum *multiplaci, justoque omnium plausu in Academia fuisse perlectum*, quod Abundius Collina Camaldulensis, isque Academicus declaravit (a). Et vero tanta cognitio rerum, quantam in ea dissertatione spargit Trombellius, quæque physices historiam attingit, non admodum ab eo expectabatur, qui & anteactæ vitæ tempus in alia longe studia fere totum contulerat, & cum hæc scriberet, regiminis curis, quæ animum a studiis avocant, inser-

(a) Vid. tom. II. part. II. Actor. Inst. pag. 371.



serviebat. Sed singularis ingenii vis, qua ad omnia promptus inveniebatur, quod alibi animadversum est, fecit, ut hoc etiam nomine non modicam ille laudem reportaret. Interea Collinæ illi ipsi; quoniam quæcumque hac de re dici possunt, in opinione sunt posita; tum de inventionis tempore, tum de ratione, qua ejus pyxidis usus in Europam invectus est, aliter quam Trombellio erat persuasum. Constitit huic res, statimque Collinam adiit, quocum amicissime de opinionum utriusque discordia collocutus, pergratum sibi futurum professus est, si quid ille sentiret, scripto committeret. Novum, sed non unicum in Jo. Chrysostomo modestiæ exemplum, dici ut possit, nihil ipsi aut humanitate prius, aut veritate carius exstitisse. Ad humanitatem peræque ac eruditionem pertinet, quod cum collati sibi beneficii gratias ageret Academiæ, has ut aliqua ratione rependeret, antiquum inventum, quo vividioris auri lamellis, pulchrisque coloribus ab antiquis ornabantur codices, eidem communicavit. Etenim inter artes, quæ postremis temporibus periisse, aut

la-

labefactatæ esse videntur, etiam isthæc numerabatur. Hanc itaque cum e vetusto bibliothecæ codice extrusisset, primo experimentum de ea capere voluit, deinde rem Academix exponere, atque adeo codicem ipsum communicare, inventa plura venustatis commodique plena continentem; quod Sociis accidit jucundissimum (a).

XXVIII. Venio nunc ad libros, qui non minus doctrinam auctoris produnt, quam pietatem erga superos singularem; ac statim nominandum est opus illud in sex tomos divisum, quod B. Deiparæ vitam, cultumque complectitur. Nihil de ejus amore dicam erga dominam hanc potentissimam, quam a puero studiosissime semper coluit. Supra quam dici potest, loquitur opus ipsum per se: quod quidem jam a multis annis meditatum, tum serio, ceteris posthabitis, edere decrevit, cum animadvertit in Kieslingii exercitationibus de dignitate atque honore Virginis vehementer detrahi. Anno igitur MDCCLXI., (erat tum Trombellius Præsul

(a) Reperitur laudatus Codex sub num. 165. inter mss. bibl. S. Salvatoris, estque xv. sæc. exaratus.

sul Generalis Congregationis nostræ, cui superiore anno fuerat præfectus) primus liber Bononiæ prodiit latine conscriptus: deinde reliqui. In his, ut propositum postulabat, historici primum partes agit, & Mariæ gesta describit. Sequitur de nomine & virtutibus: de interventu ac favore, quo nobis opitulatur. Tum egregii tituli accedunt, a Patribus eidem impertiti. Tandem quo in honore semper ab Ecclesia quantoque habita sit: qualis esse debeat erga ipsam cultus, quæque ex eo emolumenta capi possint, explicat, illustratque. Magno labore hoc opus Trombellio stetisse, multa declarant: amplitudo operis, ordo, Theologicæ divitiæ in eo sparsæ, criticæque lumina. *Quæ multa prudentia ac consilii* argumenta cum Tullio diceres, tanta diligentia judicioque versat, ut veritatis ac partium offensionem feliciter declinet. De *Lauretana ade* tractatio salebrosa in primis existimatur esse. Ad hanc ut ille manus admovit, sic rem in suo lumine collocavit, sic se ab adversariis expedivit, ut epistolaria nostra manuscripta relegens, cum

d

in

in frequentes doctorum hominum commendationes incidissem de Trombelliano opere gratulantium, in ea tractatione colaudanda fere omnes viderim conspirasse (a). Maxime vero in argumentis, de quibus vel omnis propemodum antiquitas tacet, vel apocryphis narrationibus aut errorum impuritate fœdata sunt, quantum elucidavit! a fabulis vindicavit! purgavit! ad æquum restituit! Interea dum bonus criticus esse vult, intemperantioris illius criticæ scôpulos devitat, cui indulgentes moderni quidam homines, qui præjudiciis vacui haberi volunt, atque *illuminati* dici, suam ipsi sibi perniciem fabricantes, in pietatem omnem ac religionem miserrime armantur.

XXIX. Ut imperitorum latinitatis intellectui pietatique consuleretur, italicæ linguæ maximam partem operis donaverant duo præstantes Jesuitæ, ut ex Trombellio audi vi, & nonnullæ literæ testantur ad eundem ab amico datæ, sed cum forte scripta in manus hominis œconomica potestate abutentis cecidissent, factum est, ut res æque
ac

(a) Appello codices pag. XXXVIII. numeratos.

ac spes frugiferi laboris evanuerit. Ceterum si cui umquam vel versionem institueri in mentem veniat, vel alteram operis editionem adornare, ei auctor sum, ut exemplar consulat bibliothecæ nostræ Bononiensi immissum, in quo plures marginales notæ Trombellii autographæ occurrunt; ego vero fasciculum additamentorum apud me servo, non pauca continentem e Deiparæ vita mutuata, quam Epiphanius monachus isque presbyter græce conscripsit (a).

XXX. Nec vulgaris laus tribuenda est libris, quos paulo post italo sermone condidit, de vita & cultu S. Joseph, tum etiam SS. Joachim & Annæ: quibus addendus est singularis de Angelis liber, qui Bononiensibus typis anno, quo Trombellius ex hac vita migravit, iterum cusus est. Habuit in his unde pietatem non minus ac ingenium exerceret. Nam qui harum tractationum, quæ ex historia vetere maxime ducuntur, indolem ac naturam cognitam habent, sciunt, quam

(a) Hunc libellum e ms. codice Naniano cl. Mingarellius noster exscripsit, e græco latine reddidit, & brevibus scholiis illustravit. Romæ, apud Francesium an. MDCCCLXIV.

quam operosum sit propter difficiles, & caliginosos antiquitatis calles, narrationum veritatem acu, ut ajunt, tangere, & quam sæpe contingat, ut historia fabulis finitima adinveniatur. Hinc non video, quid nonnullis humiliora hæc studia visa sint, quam quæ ab Jo. Chrysostomo expectari potuerint, ut leniter a nonnemine eapropter reprehensus sit. Ea namque studia religioso, imo catholico quovis viro docto plane sunt dignissima, maxime Trombellii more tractata. Præterea non modo ornare rem literariam publicam sibi Chrysostomus proposuerat, sed etiam pietatem erga superos fovere suam, atque excitare ceterorum. Itaque in his operibus expressam veluti perfecti & revera orthodoxi literati imaginem nobis reliquit, cujus exemplum (audeo dicere) utinam multi viri docti imitarentur!

XXXI. Libros postremo recensitos, cum Deiparæ vitam persequeretur, præparaverat: eos tamen antequam perficeret, Ordinem edidit officiorum Ecclesiæ Senensis ab Oderico ejusdem Ecclesiæ Canonico scriptum an. MCCXIII. In scriniis bibliothecæ Sen-

nen-

nensis condebatur codex, quem plures sum-
mopere laudaverant: nemo ediderat. Cum
Senas ille se contulisset, quoniam in itine-
ribus dum versaretur, antiquitatis delicias,
quascumque poterat, prælibabat; habuit
in manibus codicem, & luce multo dignis-
simum esse assequutus est: apparere ex
eo, vetus institutio quænam esset apud
Canonicos, quos modo regulares appellant,
in sacris officiis obeundis: quæ disciplina,
vivendique ratio iis esset proposita: quanta-
que esset apud majores veterum canonum
rituumque observandorum sedulitas. Codici
hæc quoque laus accedebat: quod paucis-
simos illi pares habeat Italia nostra. Scili-
cet nemo nescit, quot superioribus sæculis
insidiæ bibliothecis nostris structæ sint: quot
codices præsertim sacri deperditi, dilacera-
ti, in Gallias, Germaniam, Angliam distra-
cti (a). Edidit igitur librum, melioremque
fecit. Nam quidquid ad explicandos ritus

d 3

con-

(a) Quid elapsis sæculis bibliothecæ S. Salvatoris accide-
rit, non injucundum erit ex Tromb. resciscere in libro, cui tit.
Memor. Ist. di S. Maria di Reno &c, ubi de nostra biblio-
theca sermo res.

conduceret, vel ad communiendos, cum aliisque comparandos, ex ea cognitione rerum quam tenebat, & ex codicibus illis suis perantiquis, tamquam ex opimo fundo ac feracissimo protulit, Ordiniq; subjecit. Eo factum est, ut librum habeamus, ex quo Ecclesiasticas consuetudines per Italiam observatas, non unice Senenses, liceat haurire.

XXXII. Annum agebat alterum ac septuagesimum, quo tempore otiosam & quietam ætatem transigere debuisset. Valetudine utebatur afflicta & periculosa, quippe qui enterocoele laborabat, tenacior in studiis assiduitate contracta, aucta vero negligentia: herpes etiam acrior urgebat, sed antiquus. In tam incommoda senectute constitutus, quam ingens curarum onus asperitasque premebant (quintum enim Canonice Bononiensis gubernationi præerat), non consenuit in sene optimo scribendi laus; nam grande opus & laboriosum aggressus est, quo universam Sacramentorum doctrinam liturgicis, ac polemicis dissertationibus illustraret,

XXXIII.

XXXIII. Magna erat in eo liturgicarum rerum peritia: magna librorum id genus supellex, præsertim mss., cujus quale iudicium tulerint Montefanius & Maniágus, paulo ante dictum est. Expectatio vero operis & auctoris tanta, ut nihil a sacrarum rerum & antiquarum amatoribus avidius expetere-
tur, neque aptior quisquam inter nostrates Trombellio perficiendæ rei putaretur esse. Huic expectationi pro viribus satisfecit, cum-
que eo, quasi cum altero *Edmundo Martene* viri docti gratulati sunt (a). Certe magni illius Liturgici exemplum est persequutus, & eo ordine quo laudatissimos ille libros *de ve-
xeribus Ecclesia risibus* composuit, suas etiam noster dissertationes digessit. Nec diligens atque industrius homo domestica librorum gaza contentus fuit: italicas, atque exte-
ras bibliothecas qua publicas, qua privatas amicorum ope excussit. Multum de Germa-
norum ritibus, aliarumque Ecclesiarum in-
struxit doctissimus Card. Garampius, codi-
ci-

(a) De operis præstantia, de Trombellii meritis in rem liturgicam, deque ejusdem libris & codicibus nobilissimis, vide, quale iudicium dederit Franc. Ant. Zaccaria, vir tot editis libris vere clarissimus, in sua bibl. Rituali tom. II. pag. 318.

cibus mutuato missis cum fieri potuit; minus, aliena manu, vel sua quandoque per incredibilem humanitatem descriptis. Toppsio Pollingano Præsuli, seni optimo, hæc quoque laus danda est; is enim ut in oculis ferebat Trombellium nostrum, sic, cum licuit, numquam non ejus studiis inservivit. Cl. vero Borgiæ beneficio factum est, ut tantis tamque splendidis Orientalis Ecclesiæ monumentis hi libri nobilitarentur. Neminem arbitror hoc Præsule melius Trombellianam hanc cupiditatem satiare potuisse. Habet ipse in manibus magnam hujusmodi divitiarum vim, & quod illustrius, scit se habere, scit dare. Horum omnium nominibus nonnullos Chrysostomus inscripsit libros, ut quantum ipsis deberet, publica literarum significatione testaretur.

XXXIII. Universam ille quidem, ut decreverat, Sacramentorum materiam non pertractavit, sed Baptismi, Confirmationis, Extremæ Uctionis, Matrimonii, quatuor hæc dumtaxat libris omnino tredecim dispertita: quippe post duo priora illa explicata, cum nonum supra septuagesimum æta-

tis

tis annum attigisset, sentiretque amplius haud liberum sibi esse duros labores, vigiliisque pristinas sustinere, mutare consilium coactus est, adque duo postrema Sacramenta properare: ratus scilicet, Pœnitentiam, Eucharistiam, atque Ordinem sic fuisse a Morino, Halliero, Ant. Arnaldo, aliisque præoccupata, ut lenius horum tractationis præ aliorum desiderium deberet esse. Poterat profecto de Liturgicis sollicitus polemica prætermittere: habuissemus fortasse integrum absolutumque Sacramentorum numerum, at careremus adspectabili illa variorum rituum cum firmo dogmate explicata concordia, qua pulcritudo Ecclesiæ triumphat demonstratioque catholica: neque tam multa monumenta usurpare possemus ex omni antiquitate petita, quæ antiquariis ipsis, non modo rituum studiosis, grata esse compertum est.

XXXIV. Unum moneo, quod memorabile est: id operis duorum sapientissimorum Pontificum Clementis xiv., & Pii vi. qui feliciter Ecclesiæ clavum moderatur, honorificentissimis literis commendari. Ete-

nim

nim alterius majestati tres de matrimonio libros; Clementi vero de baptismo quinque consecraverat. Sed Pii Pontificis Optimi Maximi alia quoque est illustris erga eum benignitatis atque adeo amoris significatio. Scilicet cum Bononiam Vindobonensis itineris causa adventasset, contigit Trombellio, quod vehementer optaverat, in optimi Principis conspectum admitti. Pontifex, cui dudum erat cognitus, incredibili illum clementia excepit: cumque eo humanissime collocutus, peramanter assensus est, suo nomini inscribi quidquid ille de Matrimonii Sacramento edidisset, suamque erga cœtum nostrum voluntatem, cujus eximia pignora habemus, præclarissimo vocis oraculo declaravit. Eo confirmatus effœtus senex, propemodum reviguit (tanta clementiæ vis est e majestate profectæ!) inceptumque opus laboriosissimum ad exitum quam citissime perduxit. Id ut libentius recolerem, præsentia rei effecit. Nam cum Trombellio venerabundus ad clementissimum Principem ego ipse accessi; quæ quidem recordatio facit etiam, ut sine piaculo præ-

præterire nequeam liberalem in me ejusdem Pontificis munificentiam, cujus bono non sine gratissimo animi sensu plures jam annos utor atque fruor.

XXXV. Hæc de Trombellii lucubrationibus in primis (neque enim minora quæque persequutus sum) dicenda erant. Qui profecto mihi propter earum multitudinem ac varietatem non unus esse Scriptor, sed multorum Scriptorum præferre speciem atque instar videri solet. Splendide, sed vere qui æternæ Chrysostomi memoriæ anno MDCLXXVI. numisma dedicarunt (a), rem hoc versiculo exergo inscripto expressere: *Fertilis & varius, nam bene cultus ager*. Sed præterea tot amicitiiis floruit, tot muniis implicatus est, ut quoties recordamur quantum scripserit, nec in officiis ullis, nec in amicitiiis fuisse: et rursus cum cogitamus, quam

(a) Nempe Mingarellius & Zanettius. Atque hujus honestissimi viri eruditique, qui Trombellium & observabat, & diligebat quam qui maxime, illustre testimonium legi potest in Tom. IV. pag. 4. operis jam laudat: *Raccolta &c.* Eo in loco de numismatis Trombellii honori dedicatis mentio fit: pluraque afferuntur, quæ magnam rerum a me explicatarum partem confirmant.

quantum istis temporis impenderit, nec scripsisse, nec legisse existimemus, ut fere de Plinio majore a C. Plinio notatum memini.

XXXVI. Attigi jam superius de litterarum consuetudine. Addam nunc, difficile inveniri, qui illo magis in hujusmodi amicitiiis colendis excelluerit. Non dissimulavi ex iis tulisse fructum, at reddidit vicissim. Cardinalis Quirinius non semel in epistolis a se editis perutilem suis studiis Chrysostomum nostrum testatus est. Viri clarissimi, Borgia, Zaccaria, Tiraboschius, Martinius e Conventualium familia, Oliverius, de Rubeis Ord. Præd., Mellonius, alique, Trombellii diligentiam erga se, vel operam, vel communicatas notitias commendarunt. Si quæ forte inter amicos dissidia oboriebantur, præfocare satagebat. Zanottium Franc. cum Ansaldio Ord. Præd., Zanettium cum Reposatio reconciliavit: horum namque animi ob æmulationes literarias aliquamdiu refrigerant. Ejus ædem studiosorum sinum veluti quemdam dixisses; tanta erat ad ipsum frequentia doctorum bononiensium, qui ejus con-

sue-

suetudinem expetebant: Inter hos cl. viri, Saviolius, Fantutius, Blancanius, Blanco-
nius, Montius Cajetanus, Zanottii fratres,
Zanettius frequentiores conveniebant. Sem-
per animus liberalis hominis, eruditio, co-
dices, antiquitates, & si quid aliud, illis a-
perta erant. Hanc humanitatem in illos etiam
doctos homines derivabat, qui cum Bono-
niam peterent, Trombellium adire, audire,
cum eoque esse cupiebant: quod non modo
Italix, sed exterarum quoque gentium doctis
cum in more fuerit; argumento est, ejus no-
minis celebritatem non Italix finibus conclu-
sam fuisse, sed longinquas etiam nationes pe-
ragrasse. A viris doctis quot ei, & quam non
vulgares honores sunt delati! Illum plures
Mæcenatem suis libris appetiverunt: illum
inter suos nobilissimæ Academiæ coopta-
runt: illum cum Italix urbes vel cœtus no-
stri, vel studiorum gratia percurreret, ma-
gnis æstimationis indicijis atque favoribus cer-
tatim ad se venientem exceperunt. Legi li-
teras ab his hominibus ad eum datas, eas-
que fere innumeras. Nihil iis Trombellio
honorificentius scribi potuit.

XXXVII. Tantam sibi famam nominis etsi peperisset; paucorum tamen invidiam obrectationemque offendit: quod confirmatæ jam longeque productæ gloriæ indicium est, aut etiam temperati animi numquam se aliis anteponentis. Ephemeridum quidam scriptor imperite ejus librum *de distinguenda codicum ætate* vellicaverat. Dissimulavit Trombellius. Sed ecce cl. Tartarottius, qui risu potius quam ratione ineptum hominem refutavit (a). Celotti Patavini sententiam quamdam (b) modeste noster in primo volumine de vita Deiparæ rejecerat. Adversus eundem paulo vehementer rescripsit ille: Permansit in sententia Trombellius, atque adversarium donavit literis humanissimis. Eo accidit, ut Celottus aliam epistolam vulgaverit Jo. Chrysostomo scriptam, in qua difficile Celottum illum primum recognoscas.

XXXVIII. Anno MDCCCL. cum noster Ant. Andreas Gallius (is, qui a Benedicto

(a) Vid. hujus epistolam superius memoratam.

(b) Putabat Celottus sic legendum esse v. 16. cap. 2. S. Matth. *Iacob autem genuit Josephi conjugem Mariam, de qua &c.*

cto xiv. ad sacram purpuram paulo post
evectus est) in Generalem Congregationis
fuisset renunciatus, Trombellium a Secretis
sibi esse optavit (a). Itaque id muneris tres
annos sustinuit. Censura deinde, & Procu-
ratione generali functus est, ex qua ad sum-
mum apud nos regimen conscendit, quod tum
tres annos, ut cetera officia, vetere institu-
to majorum gerebatur. In guberniis sic
semper præfuit, ut in eo nihil de innocen-
tia morum, deque studiorum incremento
promovendo desideratum fuerit: maxime ve-
ro de religionis zelo, quo suum pectus o-
neraverat atque compleverat. Recepit per
ea tempora juvenes, qui literas perbelle
ornarunt, cœtumque nostrum. Possem hos
nominare; sed vereor, ne aut quemquam
aliis

(a) Eminuit, Gallius sanctitate morum, doctrina, in re-
bus agendis dexteritate. A Benedicto xiv. supremus Pœni-
tentiarius creatus est, illique cœtui præfectus, qui e pravitate
librorum cavet, nequid Christiana respublica detrimenti ca-
piat. De eo cl. Bertius locutus est in suo *ragionam. apologet.*
pag. 16. Lagomarsin. in not. ad Pog. ep. vol. III. pag. 399,
& Fantutius Bononiensis, genere, eruditione, amore erga pa-
triam vir vere nobilis, in tom. IV. oper. *Notizie degli Scrit-
tori Bolognesi &c.* Atque is, dum Gallii vitam descripsit,
excellens pro Trombellio testimonium dedit. Vid. postremam
adnotationem in Gallii vitam.

aliis præferre videar, aut si quem non recenseam, reprehendar. Optima studiorum ratio, si quidquam postremis temporibus illa valuit Congregatio nostra, ei primum accepta referenda est. Suorum laborum juvenes alumnos volebat adjutores: illos describere monumenta, sententias inquirere, bibliothecas lustrare. Sic & ei molestiæ non parum levabatur, & quasi aliud volens, juvenibus viam ad bona studia complanabat. Sed ex nostris Monsacratius & Mingarellius, doctorum hominum more, exquisite Trombellium juverunt, ut vel in ipsis grati candidique hominis operibus est proditum. Quod non eo dico, ut duos viros laudem, qui hac laude non egent, sed ut intelligatur, quantopere studiis promovendis communis vitæ ratio conducatur, & quam frugifera emolumenta honoris, studiosorum consortium convictusque pariat. Æquabilitatem, suique similitudinem perpetuo servavit: eadem fere semper temporis, horarumque partitio. Antelucanas, post datam operam precationibus & divinarum laudum penso, libris tribuebat. Tam multa quæ scripsit, sua i-

pse .

pse manu exarabat, tantaque felicitate, ut ipse unum ipsissimum autographum, quod paraverat, prælo subjiceret. A divino officio frequentando non illum gravissimæ curæ, non fracta valetudo, non summa senecta deterruerunt. Quotidie sacrum summa cum religione peragebat. Bis, terve in hebdomada conscientiam emundabat suam. Pauperes, quantum potuit, e miseriis excitavit: ægris in valetudinariis inservivit: accedentium confessiones audire institit. Elucebat in eo humilitas non umbratilis, quæque vulgi oculos percellit interdum, sed solida illa verique nominis, & magno viro digna. Nullus in sermone fucus, sed veritatis certus quidam index sermonis simplicitas, animique candor dominabatur. Ad obsequium, modestiamque institutus officiosum se omnibus præbebat ac perurbanum. In ipso ore effictam Christianæ cujusdam amabilem philosophiæ speciem vidisses (a). Ab honestissimis

e

ex-

(a) Eruditus auctor, qui concinnandis ephemeridibus Florentiæ literariis præest, in Trombellii elogio ad ann. 1724. num. 22. superiorum laudum nonnullas sic expressit: „Cognobelo (Chrysostomum nostrum) l'autor di questo elogio nel

externorum consuetudinibus non abhorruit. Præcipue apud Caprariorum domum versatus est, quam unam ideo nomino, quia & ejusdem pueritiæ prima fuit (quinquennem nempe summo cum amore excepit) & usque ad senectutem fuit familiarissima. In consuetudine lepidus facetusque narrator: eoque facetiarum genere maxime delectatus est, quod in celeritate dictoque consistit, peracuto illo & brevi, quodque *salis* vocabulo est a veteribus significatum.

XXXIX. Hæc vero in ejus laudibus non ita pono, quasi ab illo abfuerint humanæ infirmitatis indicia. Scimus, homines etiam frugi luto convestitos esse optimosque illos jure haberi dicique, qui minimis urgentur. Huc fortasse revocari posset negligentia quædam corporis atque habitus, quam nonnullis affectare visus est. Incidit etiam in nonnullorum reprehensionem, quod cum aliquo animum inflexisset, fir-

„ nel 1778. in passando per Bologna; vide la sua biblioteca
 „ ed il suo gabinetto, e trovò in lui quella sincera affabilità;
 „ quell'ilarità di animo, e quella pratica filosofia, che molti
 „ uomini di studio vantano nel secolo, ma che realmente ga-
 „ dono quelli del chiostro „.

firmissime sententiæ adhæresceret. Quamquam istiusmodi firmitas, difficile statuerim, utrum vitio vertenda sit, homini præsertim, ut ille erat, bene in omnem veritatem honestatemque animato. Equidem sic ajo: sæpius homines ex opinione quam e re iudicare: optandumque esse, ut multi ad celeberrimi Cartesiani principii normam sua iudicia exigerent. Unum tamen excusari nequit, quod ille, nisi facti pœnitens, non repetebat. Quo tempore Bononiæ Theologicas disciplinas tradebat suis, hanc sententiam defendendam proposuerat: gratiam, qua Paulus Apostolus eminuit, *compellentem* dici posse atque adeo exstitisse. Displicuit thesis Quæsitore fidei (a), ac pro suo munere, ne typis ederetur, prohibuit. E contra noster æquo animo repulsam non ferens, alio se vertit, ut veniam arriperet, compellentemque gratiam propugnaret. Accidit e voto res. Sed peracerbe Quæsitore; qui cum Romam de negotio scripsisset, molestias Trombellio intulit, a quibus nonnisi interpositu pro-

(a) Erat ille Andujarius Ord. Præd., qui paucis ab hinc annis Dertonæ Episcopus defunctus est.

promissionis, postremum se sententiæ vale dicturum, liberatus est. Ad iracundiam magnos impetus persentiebat. Hujus ipse suus erat accusator; ex quo quid de ea judicari possit, conjicias: multum enim naturæ tribuendum, nonnihil etiam invåletudini, gravitæque studiorum. Sed ut subito incendebatur, sic facillime deflagrabat, & unde adversus patientiam armatus videbatur, inde hujusce virtutis incrementa petebat.

XL. Senectutem vixit apprime decoram, ejusque judicio plurimum semper detulerunt nostri Præsules. Pulchre Jo. Baptista Robertius perpolitus scriptor, ac festivissimus: *in Trombellii persona*, agebat, *Genium quemdam tutelarem videre mihi videor religiosarum adium, quas incolit; civitatis, quam ornat* (a). Extremis vitæ annis post editos de Sacramentis libros, etsi a gravioribus studiis abstineret, non poterat tamen non aliquid scriptitare; cum vero imminere corporis

(a) Sic in quadam elegantissima epistola italice conscripta, & Patavio ad Trombellium data Non. Kal. Jul. MDCCXXXVI., quam inter schedas Trombellii reperi.

poris sui dissolutionem præsentiret, divinarum rerum meditationi impensius vacabat. Spirabant sermones ejus, ipsæque epistolæ ad amicos scriptæ, vitæ hujus ærumnosæ contemptum: eoque fluxarum rerum fastidio indicabat, quanta immortalium rerum appetitione teneretur. Habebat sæpe in manibus aureum Cardinalis Bonæ *de præparatione ad mortem* opusculum: delectabatur liturgicis Ecclesiæ precibus, easque frequenter repetebat, quibus Missarum, quos vocant, introitus, maximeque *de tempore* sapientissime Ecclesia complexa est. Hunc illi gustum Præsul optimus; ejusque amicissimus, nunc S. R. E. Cardinalis instillaverat, quem si modo nominem, vereor, ne in ejusdem modestiam peccem. Paucis antequam decederet diebus, Deiparæ se Virgini his versiculis commendavit:

Virgo, tuas dixi laudes, peccasse dolentem

Me, pia Virgo, tuo protege prasidio.

Fac superis jungar labisque, & criminis expers:

Virgo, tuas laudes perpetuo referam.

Sic vir doctrinæ pietatique natus, hujus trophæis onustus, scribensque aliquid mor-

tem oppetiit. Diximus ex intestinis eum laborasse: quo morbo sic interdum corripiebatur, ut de ejus interitu non semel ex-
timuerimus. Anno MDCCCLXXXIV. VIII. Id. Jan-
nuar. tanto impetu fractum ætate corpuscu-
lum aggressus est, ut vigintiquatuor hora-
rum spatio ex hac vita migrandum fuerit.
Ut remedia nulla esse vidit, se totum Deo
libentissime commisit, cujus suavissima pro-
videntia vitæ nostræ cursus exitusque guber-
natur: tum quæ ad religionem pertinent,
rite sancteque perfecit. Mortis adspectu e-
jus animus territus non est. Id genus ter-
rores iis qui spem non habent, servati sunt,
quique vitæ spatium ad recte vivendum mor-
talibus impertitum, in socordiam, libidines-
que projecere. Illi virtutis doctrinæque exer-
citatio hilaritatem patientiamque concilia-
bant, sic ut beatissimas illas sedes videretur
videre hominibus frugi præparatas. Hora
antequam expiraret, cum mori se sentiret,
salutarem sibi expiationem a Sacchetti Præ-
sule Generali nostro, Chrysostomique aman-
tissimo precatus est. Vix a lacrymis tempe-
rare possum (aderam namque lectulo inter-

morientis) cum recogito, virum, qui omnem vitam suam ornando coetui nostro, amplificandis literis, juvandæ Ecclesiæ contulerat, animo ac voce ad humilitatem compositis, quasi graviorum criminum reum, veniam ab omnibus expetivisse. Sed his gradibus ad cœlum conscenditur. Amisimus præsidium nostrum, decusque dulcissimum, postquam complexset sex & octoginta annos, menses decem, dies duos.

XLI. Fuit ejus mors patriæ, amicis, doctis, bonis omnibus luctuosa: nobis vero acerbissimum, quod pectoribus alte adhuc insidet, vulnus inflixit. Justa funebria more atque instituto majorum in Templo S. Salvatoris, frequentissimo Bononiensium concursu, persoluta sunt. Ejus vultus effigies tabulæ impressa in Instituti Scientiarum ædibus inter virorum illustrium imagines collocata est. Eadem in numismatis, in ære, in gypso. Rari hominis memoria ut literis mandaretur, optarunt plurimi, mihi que hæc sparta a Mingarellio imperata, quo & Præsule utor, & doctore per anteaquos annos amantissimo usus sum. Præstiti,

ut

ut potui, rem. Utinam Jo. Chrysostomi virtutum recordatione, in ejus vitam veluti in vivam quamdam legem intuentes, vitam nostram dirigamus! Observatum est, plerumque accidere, ut qua in familia illustria virtutum exempla floruerunt, eorum gloria in posteros facilius propagetur. Utinam unus aliquis Trombellius identidem inter nostros excitetur!

OPERA EDITA

A JO. CHRYSOSTOMO TROMBELLIO.

- I. **T**Ranstulie e gallica in patriam linguam plura Jacobi Benigni Bossueti opuscula, & Crasseti librum de Angelis Custodibus. Prodiit hic Bonon. typis Vulpianis, illa Venetiis typis Pitterianis.
- II. *Favole di D. Gio. Gris. Trombelli Can. Reg. &c. Bologna MDCCXXX. per Lelio dalla Volpe.*
- III. *Le Favole di Fedro tradotte in versi volgari. Venezia MDCCXXXV. presso Pitteri.* Octavum, quod sciam, recusæ sunt.
- IV. *Le Favole di Aviano tradotte in versi volgari, e le Favole di Gabria tradotte in versi latini, e in volgari. Venezia, MDCCXXXV. presso Pitteri.*
- V. *Le cento Favole di Gabriello Faerno, e una Favola di Batista Mantovano tradotte in versi volgari da D. Gio. Gris. Trombelli con la giunta di alcuni suoi versi latini. Venezia, MDCCXXXVI. presso Pitteri.*
- VI. *De cultu SS. Dissertationes decem, quibus accessit appendix de Cruce. Bonon. MDCCXL. typis Martelli. In sex volumina distributæ sunt.*

VII.

VII. *Dissertatio epistolaris in quasdam veteres Litanias*. Habetur in Tom. XXXII. prioris Calogeranz collectionis.

VIII. *Priorum quatuor de Cultu SS. Dissertationum vindicta adversus V. cl. Rudolphi Kieslingii Prof. P. in Academia Lipsiensi Exercitationes Antitrombellianas, Auctore Philathe Aphoba* (sub quo ascititio nomine Trombellius delitescit). Bonon. MDCCCL. ex typ. Longhi.

IX. *Veterum Patrum Latinorum Opuscula nunquam antehac edita. Anecdotorum a Canonicis Reg. S. Salv. evnigatarum Tom. II. Par. I.* Bonon. MDCCCL. apud Corciolanum. Ea opuscula, quæ hoc volumine eduntur a Trombellio, atque illustrantur:

D. Cypriani exhortatio ad penitentiam.

D. Hilarii Pictaviensis epistola, seu libellus.

De Dedicatone Ecclesie Sermo eidem Hilario tributus.

Quæstiones in Hebraicis prophetam D. Hieronymo tributa.

De Jesuitis disputatio.

Chronica succincte descripta de regno Hebraeorum.

Sermo in die Dominica Pascha D. Hieronymo tributus.

Soliloquiorum, quæ Augustino tributa sunt, Caput postremum.

Paulini Mediolanensis libellus de benedictionibus Patriarcharum.

Sermo S. Leonis Papa de Quadragesima.

De Resurrectione Domini Sermo alter eidem Leoni tributus.

Sermo tertius in Festivitate Sancti Pauli eidem Leoni tributus.

Sermo de Abraha filia.

Ex his Paulini libellos de benedictionibus Patriarcharum

a cl. Mingarellio illustratus est.

X. *Memorie Iuariche concernenti le due Canoniche di S. Maria di Reno, e di S. Salvatore insieme unite.* Bologna, MDCCCL. a S. Tommaso d' Aquino.

XI. *Veterum Patrum Latinorum Opuscula nunquam antehac (majori ex parte) edita Tom. II. Par. II.* Bonon. MDCCCL. ap. Corciol. Opuscula hæc sunt:

Beda præfatio in Epistolas Canonicas.

Claudii Taurinensis priora in Libros Regum Commentaria, multis in locis emendata, & collata cum iis Veterum facis, quos ipse exscripsit.

Claudii Taurinensis posteriora in Libros Regum Commentaria.

Prudentii Tricassini Episcopi Florilegium ex Sacra Scriptura.

Goffridi Vindacienensis Epistola dua.

G. Mediolanensis Archiepiscopi epistola.

- Huguccionis Ferrariensis Episcopi de Symbolo (seu in Symbolum) Apostolorum.*
Vetus Canonici Regularis opusculum de cognitione vera vite, de Deo, & vite eterna. (Ediderat pridem Mabillonius).
Innocentii III. de Quadripartita specie Nuptiarum.
Antiquus Episcoporum Ecclesie Bononiensis Catalogus.
 XII. *S. Antipatri Episcopi sermo de B. Virgine cum adnotationibus Trombellii.* Edit. est in priore Calogerana collect, Tom. XLIII.
 XIII. *Arte di conoscere l'età de' Codici Latini e Italiani.* Bologna. MDCCCLVI. a S. Tommaso d' Aquino. Ille liber tertium recusatus est.
 XIV. *Maria SS. Vita ac gesta, cultusque illi adhibitus, per dissertationes descripta.* Bonon. MDCCCLXI. typis Lelii a Vulpe. In sex volum. distribuitur.
 XV. *Ordo Officiorum Ecclesie Senensis ab Oderico ejusdem Ecclesie Canonico anno 1113, compositus, & nunc primum a D. Jo. Chrys. Trombellio &c. editus, & adnotationibus illustratus, vindicatusque.* Bonon. MDCCCLXVI. ex typogr. Longhi.
 XVI. *Trattato degli Angeli Custodi.* Bologna MDCCCLXVII. S. Tommaso d' Aquino. Iterum impressus est Bononix.
 XVII. *Vita e culto di S. Giuseppe.* Bologna. MDCCCLXVII. presso Longhi
 XVIII. *Vita e culto de' SS. Giovacchino, ed Anna.* Bologna. MDCCCLXVIII. a S. Tommaso d' Aquino.
 XIX. *Tractatus de Sacramentis per Polemicas, & Liturgicas Dissertationes distributi.* Continentur voluminibus omnino tredecim, quibus Baptismi, Confirmationis, Extremæ Uncionis, & Matrimonii Sacramenta illustrantur.
 XX. *De acus nautica Inventore.* Reperitur in Tom. II. Par. III. Commentar. Bonon. Instit. Jo. Rudolphus Kieslingius pridem Trombellii adversarius germanice vertit, ediditque.
 XXI. *De Numismatis quibusdam gallicis dono ad Academiam Institui Bonon. a Tuhono Tilletto missis.* Est in Tom. IV. Commentar. &c.
 XXII. *De Tela ex genistarum coriicibus confecta.* In Tom. IV. & VI. Commentar. &c.
 XXIII. *Binæ epistolæ italica una, latina altera ad cl. Zaccariam missæ cum duobus pervetustis Calendariis eidem communicatis.* Edita isthæc, illasque invenies in lib. *Anecdotorum medii ævi.* Augusta Taurinorum MDCCCLV.

XXIV. *Lettera al Rno P. Odoardo Corsini &c. sopra una Medaglia di Licinio augusto col motto Fundat. Pacis.*

XXV. De altero nummo litteræ tres, una Trombellii, dum cl. Zucconii S. J. Bonon. MDCCCLXI.

XXVI. *Vita del B. Arcangelo Canetoli Can. Reg. della Congr. del SS. Salvatore.* Bis Bononiæ edita est: tertio Venetiis anno MDCCCLXXXIII.

NONDUM EDITA.

- I. *Machabæorum libri I. & II.* ab ipso quibusdam adnotationibus illustrati. Exscripsit porro illos ex Codice sæc. XII. vel XIII. Brixie a se comparato una cum aliis codicibus exquisitis, maxime liturgicis. Præstantissimum hunc codicem Trombellius existimabat. Alter liber non eundem, quem prior, interpretem habet & hunc ignotum. Valde autem, nec raro, differt ab interpretatione vulgata. Invisa prorsus veteribus Theologia hæc interpretatio fuisse creditur, ut Trombellius ipse scriptum reliquit.
- II. *Dissertazione sopra di un pozzo &c.* Est in manibus Jac. Biancanii & Guid. Zanettii Bononiensium, qui eam ex autographo descripsere.
- III. *Adnotationes marginales in libros de Cultu SS.* Exemplar est in bibl. SS. Salvat.
- IV. *Adnotationes marginales in Vitam Deipara.* Ibid.
- V. *Observationes eruditissimæ, quibus plurimos Bibliothecæ nostræ codices illustravit.*
- VI. *Epistola* propemodum innumeræ ad hujus ævi Literatos datæ, quarum pleræque, ut e responsionibus conjecturam feci, eruditione uberrimæ debent esse.

*Vidit D. Alexander Sangalli Cleric. Reg. S. Pauli, & in
Ecclesia Metropol. Bonon. Penitent. pro Eminentiss. &
Reverendiss. Dom. D. Andrea Card. Joannetto Ordini
S. Benedicti Congregat. Camaldul., Archiepiscopo
Bononia, & S. R. I. Principe.*

Die 21. Februarii 1788.

IMPRIMATUR.

Fr. Aloysius Maria Ceruti Vicarius Generalis S. O. Bonon.

B O N O N I Æ

**EX TYPOGRAPHIA INSTITUTI SCIENTIARUM.
CUM APPROBATIONE.**

VA1
154434f